


# TEZAU LITURGIC

9 IULIE

# ACATISTUL SF. PREOT-MUCENIC PETRU DE LA CEREVKOV



MOSCOVA, 2000



## Ака́фист

### свѣтѡму священномученику

## Петру́, пресвитеру Черевко́вскому

### Конда́к 1, глас 8

Подобен: Взбранной Воеводе:

Избранный уго́днице Хри́стов, честный́  
служителю́ Престо́ла Господня́, до́блйи  
страда́льче Пётре, первоверховному́ апосто́лу  
тезоименитый, крепо́стию ве́ры и благоче́стия в  
житий несокруши́м яви́лся еси́, и по кончи́не  
мученичестей чуде́сы просия́л еси́, сего́ ра́ди  
похва́льная воспису́ем ти пе́ния. Ты же, имѣяй  
дерзнове́ние ко Го́споду, от всяких нас бед  
свободи́, зову́щих:

Ра́дуйся, о́тче Пётре, иере́ев похвало́ и  
страстоте́рпцев соприча́стниче.

### И́кос 1

А́нгел земный́ и челове́к небесный́ в житий́  
твоём был еси́, преблаже́нне Пётре, в  
преподобии́ и правде, да́же до ста́рости,  
неосла́бне Го́сподеви служа́. Те́мже и Хри́стос от  
ми́ра многомяте́жнаго во оби́тели ве́чныя  
пресели́ тя, я́ко ве́рнаго Своего́ раба́, иере́я же и

мученика, славою нетленною венча и многими чудесы на земли прослави. Ты же, предстоя Престолу Троицы Пресвятыя, молитвами твоими от всяких зол и напастей огради ны, зовущия ти таковая:

Радуйся, иго Христово на рамо твое вземый;

радуйся, путем служения пастьорского достойно шествовавый.

Радуйся, правды Божия неослабный провозвестниче;

радуйся, Церкви Христовы ревностный защитниче.

Радуйся, исповедником славное сопричтение;

радуйся, мучеником всехвальное ликостояние.

Радуйся, христиан православных твердое в Бозе заступление;

радуйся, отступников веры устрашение и посрамление.

Радуйся, отче Петре, иереев похвало и страстотерпцев сопричастниче.

## Кондак 2

Ви́дя тя Го́спо́дь от ю́ности по сте́зи благо́честия теку́ща, святы́й Пётре, избра́ в служи́теля Себе́ и удобри́ тя благода́тию Свята́го Ду́ха. Ты же мно́гая ле́та чи́стым се́рдцем и усты́ непреста́нно Го́спода прославля́л еси́, Жёртву безкро́вную соверша́я, по́слежде же и сам в же́ртву Бо́гу, я́ко дар чи́стый, принёсся еси́, благода́рне вопия́ Ему́: Аллилу́ия.

## И́кос 2

Ра́зум и се́рдце в и́стинней ве́ре утвержда́я, Пётре богому́дре, за́поведи Го́сподни в житии́ непоро́чно соблю́л еси́. И, я́ко ве́рный во́ин Христо́в, стра́хом Бо́жиим и ре́вностию воору́жився, враго́в ве́ры правосла́вныя, во оте́чество твоё земно́е пришёдших, не устраши́лся еси́ и на за́щиту хра́ма Бо́жия подвиѓся еси́. Сего́ ра́ди восхваля́ем тя си́це:

Ра́дуйся, Еди́наго Бо́га, в Тро́ице сла́вимаго, и́стинный чтите́лю;

ра́дуйся, во́ли Бо́жия всеусе́рдный исполните́лю.

Ра́дуйся, вся кра́сная ми́ра сего́ Христа́ ра́ди презре́вый;

ра́дуйся, нелицеме́рною любóвию к Бо́гу и па́стве твоёй испо́лненный.

Ра́дуйся, о́браз благоче́стия лю́дем яви́вый;  
ра́дуйся, ду́шу твою́ за ве́ру и Оте́чество положе́вый.

Ра́дуйся, право́верия му́жественный побóрнице;  
ра́дуйся, прельще́нием неве́рных неустраши́мый противобóрче.

Ра́дуйся, о́тче Пе́тре, иере́ев похвало́ и страстоте́рпцев соприча́стниче.

### **Кондак 3**

Си́лою, да́нною ти свы́ше за до́брое и богоуго́дное жити́е твоё укрепля́ем, страда́ния лю́тая Христа́ ради́ му́жественне претерпе́л еси́. Си́лою же безслове́снаго коня́, мучи́тельми неисто́вно води́мага, же́стоко влачи́м, свиде́тель непрекло́нный И́стины, да́же до кро́ве, яви́лся еси́. Те́мже, я́ко мученик непобеди́м, венце́м добропобе́дным от Бо́га увенча́лся еси́, поя́ Ему: Аллилу́ия.

### **И́кос 3**

Име́я в души́ твоёй любóвь ко Го́споду, Пе́тре досто́блаже́нне, о́браз чи́стаго и непоро́чнаго

жита́я показа́л еси́, тако́жде и па́стырь до́брый и наста́вник и́стинный лю́дем был еси́. Мы же, восхваля́юще жити́е твоё, воспева́ем ти тако́:

Ра́дуйся, добродётели ева́нгельския в се́рдце твоём вкорени́вый;

ра́дуйся, в за́поведех Госпо́дних во вся дни живота́ твоего́ ходи́вый.

Ра́дуйся, от ю́ности Ца́рства Небе́снаго возжела́вый;

ра́дуйся, в ста́рости масти́те добропло́дие души́ твоея́ показáвый.

Ра́дуйся, милосе́рдия к лю́дем усе́рдный рачи́телю;

ра́дуйся, ни́щих и убо́гих безме́здный пита́телю.

Ра́дуйся, немощны́м и оби́димым благосе́рдный помо́щниче;

ра́дуйся, тя́гот и скорбе́й па́ствы твоея́ веледу́шный восприе́мниче.

Ра́дуйся, о́тче Пе́тре, иере́ев похвало́ и страстоте́рпцев соприча́стниче.

## Кондак 4

Бу́ря испыта́ний и бед, во дни лихолéтия на Цéрковь и Отéчество на́ше земно́е нашéдшая, не поколеба́ упова́ния твоего́ на Го́спода, крепкоду́шне о́тче Пётре. А́ще и стар лета́ми быв, храм Бо́жий от поруга́ния и разорéния огради́л еси́, враговъ законопреступныхъ небоязненно обличи́л еси́, и яко ка́мень преткновéния во́ли вра́жии яви́лся еси́. Сего́ ради с мученики на Небесéх ны́не поéши Бо́гу: Аллилу́ия.

## И́кос 4

Недоумева́ху лю́дие черевко́встии, егда́ по мно́зех лéтех погребéния твоего́, святы́й иере́е Пётре, слы́шаша, яко гробъ не́кий от земли́ показáся одесну́ю олтаря́ цéркве Никольския́ и яко ста́рец благообра́зен во оде́ждах иере́йскихъ во сне мно́гим явля́шеся, прося́ пéние панихи́дное по нем соверша́ти. Ны́не же мы, ве́дуще тя, яко моли́твенника́ и чудотво́рца сла́вна, вопи́ем ти си́це:

Ра́дуйся, пра́ведным жити́ем твои́м Го́споду угоди́вый;

ра́дуйся, в дому́ Отца́ Небéснаго обите́ль себе́ насле́довавый.



Ра́дуйся, со́нму священно́учеников  
сопричте́нный;

ра́дуйся, венце́м нетле́нным от Бо́га  
украше́нный.

Ра́дуйся, се́верных преде́л страны́ на́шея  
свети́льниче;

ра́дуйся, Краснобо́рския земли́ Бо́гом да́нный  
моли́твенниче.

Ра́дуйся, неве́рующих и заблуждших ко И́стине  
направля́яй;

ра́дуйся, всех зна́ющих и почита́ющих тя ко  
спасе́нию путево́дяй.

Ра́дуйся, о́тче Пе́тре, иере́ев похвало́ и  
страстоте́рпцев соприча́стниче.

### **Конда́к 5**

Неботе́чною мо́лниею це́рковь Нико́льская  
запали́ся и погоре́, оба́че гроб твой, святы́й о́тче  
Пе́тре, во огни́ ника́коже опали́ся, зна́менуя я́ве,  
я́ко свы́ше на исцеле́ния лю́дем дарова́н бысть.  
Сего́ ра́ди ти́и просла́виша Бо́га, дивна́го во  
святы́х Свои́х, пою́ще Ему́: Аллилу́ия.

## И́кос 5

Ви́деша свяще́нницы чере́вко́встии, Пе́тре  
досто́чудне, я́ко гроб твой, от огня́ сохрани́нный,  
исто́чник Бо́жия благода́ти и врачевство́ неду́гов  
неисце́льных яви́ся, и уразуме́вше тя уго́дника  
Бо́жия бы́ти, а́бие раская́шася, поне́же  
забвению́ ты на до́лгая ле́та преда́ша. Сего́ ра́ди  
воспе́ша ти тако́:

Ра́дуйся, Пресвяты́я Трои́цы благоговейный  
служителю́;

ра́дуйся, лико́в а́нгельских на Небесе́х  
досто́йный сожи́телю.

Ра́дуйся, Христа́ Спаси́теля ве́рный учени́че;  
ра́дуйся, пресла́вный и доблему́дрый му́чениче.

Ра́дуйся, ре́вность по Бо́зе, я́ко проро́к Или́я,  
стяжа́вый;

ра́дуйся, ве́ру несумне́нную, я́ко апо́стол Пе́тр,  
имевый.

Ра́дуйся, крото́стию Мирликийскому́ святи́телю  
подража́вый;

ра́дуйся, смире́нием подо́бне Серге́ю  
Радо́нежскому́ благоуха́вый.

Ра́дуйся, о́тче Пе́тре, иере́ев похва́ло и  
страсто́терпцев соприча́стниче.

### **Конда́к 6**

Про́пове́дник и́стины всем сумня́щимся, я́ко  
Бо́жиею во́лею гроб твой, святы́й Пе́тре, от огня́  
неопале́н бысть, яви́ся столп светоно́сный, от  
земли́ до небесе́ над гробом твои́м сия́й, е́гоже  
ви́дя но́щный страж церко́вный Лавре́нтий зело́  
диви́ся и, пове́дав о сем чу́дном видении́ лю́дем,  
просла́ви Бо́га, вопия́ Ему́: Аллилу́ия.

### **И́кос 6**

Воссия́л еси́ во всех конце́х Краснобо́рския  
земли́ богодарова́нным ти чу́дес де́йством, Пе́тре  
достохва́льне, мно́гия бо лю́ди, бли́жния и  
да́льния, све́том чу́дес озари́л еси́, врачу́я неду́ги  
их душе́вныя и телесе́сныя, в со́нном видении́  
явля́ясь им и запове́дуя па́мьть о тебе́ твори́ти и  
Бо́гу моли́тися. Сего́ ра́ди не оста́ви и нас,  
почита́ющих тя и воспева́ющих такова́я:

Ра́дуйся, в благода́ти Бо́жией при́сно  
пребыва́яй;

ра́дуйся, неду́ги и боле́зни на́ша благода́тию  
врачу́яй.

Ра́дуйся, ве́рныя от искуше́ний и бед изба́вляяй;

ра́дуйся, всем призыва́ющим тя по́мощь ско́ро  
подава́яй.

Ра́дуйся волхво́в и чароде́ев пра́ведный  
обличите́лю;

ра́дуйся, душ и телес на́ших нело́жный  
целите́лю.

Ра́дуйся, от враг ви́димых и неви́димых стено́ и  
огражде́ние;

ра́дуйся, Це́ркве земны́я и небесны́я сла́во и  
украше́ние.

Ра́дуйся, о́тче Пе́тре, иере́ев похвало́ и  
страстоте́рпцев сопричастниче.

### **Кондак 7**

Хотя́й Госпо́дь всем челове́ком спасти́ся и в  
ра́зум и́стины прии́ти, избра́ ты, святы́й Пе́тре,  
уго́дника Своего́, и дарова́ ти си́лу мно́гих чудес  
творе́ния: слепы́я просвещáти, хромы́я  
врачевáти, разсла́бленны́я от одра́ болéзни  
возставля́ти, бесны́я от де́монов свобождáти.  
Тёмже лю́дие, к тебе́ притека́ющие и  
моля́щиеся, персть от гроба́ твоего́ взёмлюще,  
по́мощь в ско́рбех ско́ро обрета́ху и в ве́ре па́че  
утвержда́хуся, с радостию пою́ще  
Бо́гу: Аллилу́ия.

## И́кос 7

Но́ваго благове́стника Христо́ва и чудеотво́рца тя велича́ем, святы́й иере́е Пётре: ты бо в жити́и тезоименно́му апо́столу подража́я, неосла́бный пропове́дник ве́ры и пра́вды в се́верных граде́х и ве́сех яви́лся еси́. Ны́не же на Небеси́ пребы́вая, на землѣ́ чудеде́йствуеши и ко спасе́нию руково́дствуеши вопи́ющия ти тако́вая:

Ра́дуйся, ка́меню ве́ры доброзра́чный и многоце́нный;

ра́дуйся, сосу́де избра́нный, благода́тию Ду́ха Свята́го освяще́нный.

Ра́дуйся, исто́чнице, вода́ми благода́ти ду́ши жа́ждущия напо́яя;

ра́дуйся, неради́выя и гре́шныя к пока́нию и исправле́нию жити́я приводя́я.

Ра́дуйся, я́ко моли́твами твои́ми от страсте́й душевре́дных изба́вляемса;

ра́дуйся, я́ко ходата́йством твои́м даро́в духо́вных от Бо́га сподо́бляемса.

Ра́дуйся, скорбя́щих и уныва́ющих благоуте́шное попече́ние;

ра́дуйся, душ лѣностных к жи́зни во Христе́  
пробужде́ние.

Ра́дуйся, о́тче Пе́тре, иере́ев похвало́ и  
страстоте́рпцев соприча́стниче.

### **Кондак 8**

Стра́шное зна́мение показа́л еси́ лю́дем,  
сумня́щимся и не ве́рующим чуде́сем твои́м,  
Пе́тре блаже́нне: иере́я черевко́вскаго Бори́са,  
ху́лившаго чуде́са, от свята́го гроба́ твоего́  
бы́вшая, в виде́нии гро́зном укори́л еси́, да  
пока́ется и просла́вит Бо́га, во свята́х Свои́х  
де́йствующаго, поя́ Ему́: Аллилу́ия.

### **И́кос 8**

Весь в Бо́зе пребыва́яй, всем вои́стину  
путево́ждь ко спасе́нию показа́лся еси́, свята́й  
небожи́телю Пе́тре. Лю́дем бо, исцеле́вшим  
моли́твами твои́ми и забвѣ́нию тя преда́вшим,  
па́ки явля́лся еси́, повелева́я ко гробу́ твоему́  
свята́му приходи́ти и да́нных и́ми пред Го́сподем  
обе́тов не отме́татися, да от грехо́в свои́х  
отвратя́тся и жи́зни ве́чныя сподо́бятся. Мы же,  
благодаря́ще тя за толи́кое ми́лостивое и  
много́терпеливое попече́ние о нас грѣ́шных, со  
умилѣ́нием зове́м ти:

Ра́дуйся, я́ко со а́нгелы Престо́лу Бо́жию на  
Небеси́ предстои́ши;

ра́дуйся, ты бо я́ко А́нгел с Небесе́ на зе́млю  
люде́м низпосыла́еши́ся.

Ра́дуйся, де́ющих зло и беззако́ния гро́зный  
вразуми́телю:

ра́дуйся, ве́рным во́ли Бо́жия та́йный  
возвести́телю.

Ра́дуйся, пока́яния и́стинный пропове́днице;

ра́дуйся, добродела́ния святы́й наста́внице.

Ра́дуйся, взыску́ющим твоея́ по́моци  
благопоспешный пода́телю;

ра́дуйся, всех с любо́вию почита́ющих тя  
небе́сный покрови́телю.

Ра́дуйся, о́тче Пе́тре, иере́ев похвало́ и  
страстоте́рпцев сопричастниче.

### **Конда́к 9**

Всякую́ чуде́йствия си́лу стяжа́л еси́, свя́тче  
Бо́жий, люде́м в беда́х су́щим помога́ти, а́ще и  
издале́ча тя на по́мощь призыва́ют. Жену́ не́кую,  
Гликери́ю, мно́гия дни в расслабле́нии лежа́щую  
и моля́щуюся ти, исцели́л еси́, во сне я́влься ей и

глаголя: сие на тя Богом поупущено бысть, за еже нищих не миловала еси. Она же тогда не токмо телесное, но наипаче душевное здравие обретши, прослави тя, с благодарением зывающи Богу: Аллилуия.

## Икос 9

Ветии многовещаннии не возмогут достойно изрещи силу любве твоея к земному отечеству, славне Петре: еще бо на земли сый, о державе Российстей со слезами молился еси, веру отцев и храм от поругания мужественно защитил еси. Такожде и по кончине твоей в земней юдоли сущих никакоже оставляеши, верных от всякаго зла незримо ограждаеши, вопиющих к тебе таковая:

Радуйся, душу твою не обинуяся за други предавый;

радуйся, ближняя твоя яко себе самого возлюбивый.

Радуйся, образе истиннаго в Бозе людем служения;

радуйся, делателю совершеннаго терпения.

Радуйся, обуреваемым страстьми тихое пристанище;



ра́дуйся, отча́янных и ско́рбных све́тлая  
наде́ждо.

Ра́дуйся, осла́бленных в ве́ре укрепле́ние;  
ра́дуйся, всем чту́щим тя ходатаю спасе́ния.

Ра́дуйся, о́тче Пе́тре, иере́ев похвало́ и  
страстоте́рпцев соприча́стниче.

### **Конда́к 10**

Всех, предста́тельства пред Го́сподем прося́щих  
у тебе́, святы́й о́тче Пе́тре, ми́лостивным  
попече́нием твои́м не оста́вляеши: се́лянину  
не́кому, Васи́лию, в боле́зни изнемо́гшему и  
моля́щему тебе́, во сне яви́лся еси́ и а́бие здра́ва  
сотвори́л еси́, повелева́я ему́ о́браз твой  
написа́ти и на святы́й гроб возложи́ти во  
утеше́ние ве́рных, да вси уве́дят тя помо́щника  
и засту́пника чу́дна, воспева́ющаго: Аллилу́ия.

### **И́кос 10**

Стена́ еси́ всем челове́ком, свя́те Пе́тре, к  
заступле́нию тво́ему прибега́ющим, небесе́ бо и  
земли́ Творе́ц дарова́ ти благода́ть всех  
притека́ющих к тебе́ от боле́зней и неду́г  
избавля́ти, от скорбе́й и нужд свобождáти, от  
наве́тов бесо́вских и ко́зней диа́вольских  
ограждáти. Сего́ ра́ди, а́ще и тща́хуся

неве́рующей чуде́сом твои́м забвѣ́нию тя  
преда́ти, о́баче не возмо́гоша. Мы же с любо́вию  
вопи́ем ти сицева́я:

Ра́дуйся, свидѣ́телю пра́вья ве́ры  
благодерзнове́нный и непоколеби́мый;

ра́дуйся, во́ине Царя́ Небе́снаго благоору́жный и  
непобори́мый.

Ра́дуйся, мечу́ духо́вный, посеца́яй нече́стие;

ра́дуйся, щите́ небе́сный, огражда́яй  
благоче́стие.

Ра́дуйся, па́дающих и пла́чущих о гресе́х ско́рое  
воста́ние;

ра́дуйся, пра́во стоя́щих во упова́нии на Бо́га  
утвержде́ние.

Ра́дуйся, добродѣ́телей божѣ́ственных све́тлое  
зерца́ло;

ра́дуйся, всех с ве́рою приходя́щих к тебе́  
кре́пкое забра́ло.

Ра́дуйся, о́тче Пе́тре, иере́ев похва́ло и  
страстоте́рпцев соприча́стниче.

## Кондак 11

Пѣние и молѣние всеумилѣнное Пресвятѣй Троице о всех и за вся на землѣ во святѣй Литургии возносил еси, святѣй иерее Пѣтре, сице и на Небесѣи молитвы твоя приносиши, и со Ангелы и всеми святѣими Бога восхваляеши, поя Ему: Аллилуя.

## Икос 11

Яко светозарная звезда, в предѣлах северных земли Русския просиял еси, священномучениче Пѣтре, светом бо чудес озаряеши и ныне притекающих к тебе. Ни дни смутнии дрѣвле, ниже лета гонений от безбожных возмогша память твою во тьме неверия скрыти, но якоже прежде светом благодати Божия души людей освещаеши, вопиющих к тебе таковая:

Радуйся, света евангельскаго доброзрачное облистание;

радуйся, яко тобою и ныне приносится радование.

Радуйся, милостей премногих сокровище;

радуйся, всеусерднаго промыслѣния о людех приятелище.

Ра́дуйся, су́щих во тьме неве́рия просвети́телю;  
ра́дуйся, чистоты́ жити́я на́шего неусы́пный  
блюсти́телю;

Ра́дуйся, Це́ркве Христо́вы негаси́мый  
свети́льниче;

ра́дуйся, у Престо́ла Господ́ня добросе́рдый о нас  
печа́льниче.

Ра́дуйся, о́тче Пе́тре, иере́ев похвало́ и  
страстоте́рпцев соприча́стниче.

### **Кондак 12**

Благода́ть, да́нную ти свы́ше, ве́дуще, воспева́ем  
тя, уго́дниче Христо́в иере́е Пе́тре, и почита́ем  
чудотво́рный о́браз твой, е́гоже ми́лостивый  
Госпо́дь благоизво́лил е́сть сохра́нити до ны́не и  
ди́вно яви́ти нам. Те́мже припа́даем к нему́ и  
благогове́йно я́ко святы́ню лобыза́ем, благода́рно  
взыва́юще Бо́гу: Аллилу́ия.

### **И́кос 12**

Пою́ще всера́достное прославлéние твоё,  
священномуче́нниче Пе́тре, ублажа́ем тя вси,  
я́ко па́стыря до́бра и праведника достохва́льна;  
велича́ем, я́ко побóрника ве́ры кре́пка и  
мученика добропобéдна; сла́вим, я́ко

моли́твенника те́пла и чуде́творца предивна;  
чтим святу́ю па́мять твою́ и уми́льно вопие́м  
сицевая́:

Ра́дуйся, спасе́ние ве́чное от Го́спода улу́чивый;  
ра́дуйся, бла́гий и ве́рный ра́бе Христо́в, в  
ра́дость Го́спода твоего́ вше́дый.

Ра́дуйся, я́ко свети́ло пресве́тлое с Небесе́ лю́дем,  
су́щим на землі́, сия́й;

ра́дуйся, я́ко луча́ Со́лнца Пра́вды Христа́,  
бла́гость Бо́жию неисчерпа́емую нам, грешным,  
открыва́й.

Ра́дуйся, милосе́рдию и любви́ Отца́ Небе́снаго  
подража́телю;

ра́дуйся, неоскудева́емых даро́в у Бо́га  
прося́щим подате́лю.

Ра́дуйся, благоче́стия и добронра́вия в душа́х  
ре́вностных вкорени́телю;

ра́дуйся, всех притека́ющих к тебе́ му́дрый  
управите́лю.

Ра́дуйся, о́тче Пе́тре, иере́ев похвало́ и  
страстоте́рпцев соприча́стниче.

## Кондак 13

О святы́й уго́днице Хри́стов и чуде́твори́че  
священно́мучени́че Пётре! Приими́ си́е хвале́ние  
на́ше и услы́ши ны, благоприя́тными же тво́ими  
к Бо́гу моли́твами изба́ви нас от страсте́й  
па́губных, бед и обстоя́ний, да сподо́бимся с  
тобо́ю и все́ми святы́ми в небе́сных селе́ниях  
воспева́ти Бо́гу побе́дную песнь: Аллилу́ия.

*Се́й конда́к глаго́лется три́жды.*

*И па́ки чте́тся 1–й и́кос и 1–й конда́к*

## Моли́тва

О священно́мучени́че Пётре, па́стырю наш  
до́брый, Черевко́вская похва́ло, земли́  
Краснобо́рския и се́вера россия́скаго  
украше́ние! Ты от ю́ности твоея́, очи́стив се́бе от  
мирска́го пристра́стия и се́рдце удобри́в  
благода́тию Свята́го Ду́ха, во священны́й сан  
иере́я Бо́жия обле́клся еси́, и мно́гая ле́та,  
попече́ние духо́вное, та́ко же и теле́сное о па́стве  
твоей име́я, Жер́тву Безкро́вную досто́йно  
соверша́л еси́. Егда́ же при́иде на зе́млю Ру́сскую  
наше́ствие люде́й беззако́нных и злове́рных, я́ко  
па́стырь и́стинный, в же́ртву живу́ Христу́ Бо́гу  
прине́слся еси́, и ны́не на Небесе́х лику́еши с  
сонмы́ священно́мучени́ков Це́ркви Ру́сския.

Сего ради молим тя: яко имей дерзновение ко Господу, молися о державе нашей, да в мире и благоденствии пребывает, сердца же людей православных вящею любовью ко Христу Богу да озарятся. И нас твоими молитвами да сподобит Господь достойныя плоды покаяния приносити и Святых Христовых Таин неосужденно причащаться. Ходатайством твоим да укрепится вера наша, да избавимся от всяких скорбей, недугов и напастей, врагов видимых и невидимых. Аще же и постигнет нас искушение тяжкое за грехи наша, да устоим, якоже некогда ты, святой Петре, пред беззаконным мучительством, прославляюще Троицаго Бога, Отца и Сына и Святаго Духа, во веки веков. Аминь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**